

海昌勝跡志

亭

海昌勝蹟志卷三目

邑東北 硤石

峽山 東山 西山 南山

北亞山

兜鍪峯

肅儀亭

鉢盂頂

劉令讀書臺

天眼泉

喝石泉

聽雲軒

冷雲窩

俱胝洞

佛手巖

轉身洞

眠雲石

海山一覽樓

智標塔

塔院古井

走馬塘

磨劍石

錢王磨劍石

眠牛石

玲瓏石

斑竹園

葛洪煉丹井

顧況讀書臺

石屋洞

箬帽洞

赤壁泉

鬥雞石

九十九峯閣

試箭嶺

山間明月樓

蓬萊閣

東山亭

飛雪軒

孫公洞

妙智閣

醉眠石

慈烏泉

浮石

萬石窩

菊莊

石關

石爛灘

翠雲亭

雲抱石

洗眼泉

小桃源

右東山

晉張延光宅

養拙園

搗衣石

葛洪煉丹井

丹井樓

唐馬湘宅

東園

鍊鶴臺

紫薇洞

馬自然丹井

仙臺

白鶴亭

遐觀樓

石經幢

清隱堂

天開圖畫樓

漱玉亭

覽遠樓

裔笑巖

雲西樓

放生池

紫薇大井

紫薇泉

白水泉

雲鼓石

盤陀石

百步石

拜石

平遠堂

紫薇深隱亭

借竹軒

秋稜閣

藏經閣

聽雲閣

快哉樓

果園

右西山

海昌縣志

果園

右西山

東園

果園

右西山

西園

果園

右西山

天閣

果園

右西山

天閣

果園

右西山

天閣

果園

右西山

天閣

果園

右西山

天閣

果園

右西山

天閣

果園

右西山

海昌勝蹟志卷三

邑人管元耀振志甫輯

勝蹟三

峽山 古稱夾谷在邑城東北五十里卽今硤石按字義兩山夾水爲峽硤與峽通秦以前本連爲一始皇東游過此瞻山有王氣發囚徒鑿之遂分爲兩一曰東山一曰西山今市湖大虹橋下俗名平橋兩岸山根猶露相傳秦皇鑿處也

東山一名審山亦名沈山審沈兩名聚訟紛紜各異其說今羅列舊志所述於此以備參觀 按硤川志

海昌縣志卷三
略云審山俗所稱東山也高三十五丈

一作五十三丈三與五互

易之訛

周七里半爲海鹽轄山多白雲其土赤埴石性

多浮杭郡志及寧邑舊志廣輿記諸書謂漢辟陽侯
審食其葬此因名海鹽志則謂上有宋臨海南陽二
郡太守沈景墓故名俗悞沈爲審也禾郡志又謂鹽
邑六十里逾長湖沈山上有臨海太守墓又北曰硤
石山則沈山與硤判然爲二矣按地勢沈墓應在贊
山今東山上有大塚俗稱爲王墳其爲辟陽墓未可
知特無太守墓自前代著作家俱稱審山未有稱沈
山硤東山之宜從審無疑矣 硤川志云舊志稱臨

安太守沈碧墓故名景與碧未知孰是歷觀諸志則
此山之宜從沈不當從審明矣攷諸審食其沛郡
人歷仕未嘗到吳後爲淮南王擊死其於硤生死皆
非其地而遺骸遠瘞在此恐無是理薛氏通志於海
寧則曰審山上有審食其墓於海鹽則曰沈山宋臨
海太守沈碧葬此因名未免矛盾矣究之爲審爲沈
遠莫能稽惟守多聞闕疑之訓存而不論可也

朱嘉徵東山記

硤山東西峙同乎錢塘之南北峯也蓋同而實異西山俯下如姬東山昂

出爲喬夫人俯則人狎就之相其陰陽向背僧寮並穿穴其中幾類榮陽陝服間陶復陶穴者矣東山列峯雄峙智標塔鎮之攀附遂絕南齊時周顒稱其林境清灑亞於鍾山鍾山者金陵之鍾阜也

首起北小山曰北亞尾沒於南曰南山也自東山
亭陟禮東嶽北上曰蓬萊閣祀呂祖爰排松關四
望雲海曠絕下瞰闕市如蒼蠅聲矣出訪山間明
月樓遺址箕踞坐石上西望龕褚東携秦駐北俯
橫山受山南際於海且東南海上諸山纍纍若螺
黛遙插几案間下視平疇廣池類刻掌紋爾南湖
勺水射於西南隅於是坐客相與樂之飄然有塵
外意緣塔院東下有古井不與丹井列泉亦清泚
危崖竦立如靈壁焉東下曰碧雲寺一路泉石率
以奇勝山之半圓如覆孟爲鉢孟頂有泉一泓爲
天眼泉去智標塔有咫矣東北眺橫山削成而高
西北眺爰山壤赭而墮石浪稍平者爲隨州讀書
臺劉曾攝令於鹽也其中石裂泉生者爲喝石巖
洞可秘魔者爲展伸與俱胝也迴視昔之所經曰
兜鍪不侔已尋厠牛傾者倚者翔者翬者紛然別
態更不侔已尋厠牛傾者倚者翔者翬者紛然別
啟也疏泉剔石結茅其上俯此阡陌縱橫浮沙出
沒正同荷錢貼水而海面九十有九峯環之特標
一勝爾乃牽蘿東下轉而南宴栢莊老梅彌望行
見古墓傑然因竊笑後世耳食之徒呼季翦而拜

汾陽者爲問昔之臨海太守尙有存者乎趙清獻
偃強猶昔能青鞵布襪行乎宮梅趙娥也肯長爲
瑤草以媚人乎諸公無以應也因放步平山求吳
越王習兵之地亦旣道第不前矣遙望山椒兵氣
鬱洩者此何道也客曰昔徐偃王畔周逃會稽匿
此吏兵追及之夜有神馬數百馳衛之乃得逸去
余曰不然神馬豈相濡人志曰吳越分境于此其
南爲鐵陵關磨劍石故蹟存焉宜爲武肅王走馬
塘也且往者有名孝廉樹兵其下破家爲國厥志
良厚事雖無成亦翊義公之徒歟而神馬弗福鳴
呼此近事之驗爲歌平陵東曲以弔之聞之王新
建嘗登硤石山顛詩乃知顧況宅今爲梵王土書
臺空有名湮埋化烟莽蓋遠眺橫山故及之况故
宅在焉非東山也或曰逋翁讀書臺一在橫山一
在東山况詩云野人愛向山中宿况在葛洪丹
井西其棲隱處俗稱斑竹園者近是并記之

西山又名紫薇山 咸淳志云在縣東北六十里高

三十丈

硤川山水志作十八丈

周一里其土黃壤其石多火蔡

志云唐長慶三年中書舍人白居易刺杭州秋八月

登此山望硤石湖中書爲紫薇省故名

按白公有登山望硤石湖

詩秦廉使瀛調香山集中無此作疑出後人附會然詩之真僞難憑而名之沿襲已久宋贊寧志愿寺碑記云白刺史爲題名章評事多遺跡贊寧去唐時未遠自非無稽則山之因公得名正不必以此詩也

上有石刻宋右班殿直監澈浦鎮稅兼烟火局樊世

卿書紫薇山三字又有石刻唐章孝標留題上方詩

按西湖摘鈔勝果寺同有是詩攷諸書題紫薇上方爲確又案章詩咸淳志作楊璿誤

談氏

外志云紫薇山高三十丈周一里宋圖經云紫薇舍

人劉禹錫作刺史行縣至是山故名嘉靖志歸之白

樂天夫劉白無論幸邀其寵而不得片詠猶覲面之

失也紫薇與審山東西相望市河貫其中故名硤石

朱嘉徵西山記

硤川者峽川也地介吳越爲瀘水大

下承三巴之委也山自天目西來交赭嶺歷巖門

爲西條往牒亦首紀西山云西山一名紫薇唐時

紫薇舍人劉夢得以部刺史游其地故名或曰白

樂天刺史也水源自茗溪達莊浦堰東流辛塘北

合雒塘抵硤漚爲南湖谷水出焉亦稱上谷湖秦

時故名夾谷其山高三十丈周一里市河中貫之

南北都會也四方估僧走集之俗尚聲利好氣勢

任俠大有荆楚之風山之爲寺者四曰惠力曰勝

果南寺也曰西廣福曰崇惠北寺也惠力晉寧康

中爲志願寺至宋祥符二年改今名蓋東晉尚書

張延光故宅也相院橋西路猶仍舊名西廣福

唐元和里人宋坦所居宅也樓二曰遐觀樓在

勝果之陽曰覽遠樓在廣福之左貝清江記云池

二曰放生池產異螺曰功德池在舍利閣後爲菴

者西北曰法華菴西北曰紫薇泉白水菴西南曰西爽菴

泉古井三曰青蓮井覆漱玉亭其上曰丹井二以
葛洪馬湘二仙名亭一曰白鶴亭洞一曰仙洞也
居亭之下並自然遺跡其上怪石林立不可殫名
巖石之可名者凡四曰禮斗巖俗呼八仙臺者曰
擣衣石尚書家故物也曰盤陀石梵語也曰百步
石行旅所誦也園二曰養拙園故張尚書池館方
百畝有花園泝至今傳之曰東園爲馬自然故宅
初自然從魏伯陽學道久歸而自言我愛東園不
三日卒因葬焉是夕棺中書然發聲人異之時唐
宣宗大中十年也會東川梓潼縣以馬道人上昇
奏敕發浙冢驗之止存竹杖而已甲寅秋余游焉
訪古問俗之次而遺老盡矣卽白傳斷碑半銷沈
於樵斧之礪僅見唐章正字詩碣獨存唏噓久之
日下春客相與羅坐樹間俄聞野鶴數聲空谷響
應頓令古木停陰雁行悽斷余喟然太息曰其周
氏之義鶴乎久矣夫沈吟至今誰嗣爾音客曰朗
月旣白洗盞
更酌乃下

明高啟題峽山詩

峽石頗奇怪長河出連山絕壁
岸開行舟過其間高處誰解登陰

藤裊難攀旁垂雨痕古仰露天光慳不知真宰意
隨地設險艱一夫據蜀閭二世馮秦關賴此非要
區爭奪得少閒徘徊
佇望久日暮飛雲還

褚靖題峽山詩

峽川峯勢列東西秀色葱葱草樹齊
兩點蛾眉天外聳雙丫螺髻望中迷

平分積翠如雲卧對楚空青映日低
拄頰幾回吟看處朝來爽氣漫留題

清曹宗載鵬湖漁唱

岸界東西水劃開排雲兩點碧
螺堆不知神斧何年闢翻道秦

皇疏
鑿來

蔣學堅鵬湖雜詠

兩山對峙勢峨峨林木青蒼點黛
螺中有一河長似帶烟帆霧檝往

來
多

明王守仁登硤石東山詩

朝登硤石巔霽色浮高宇
長岡抱迴龍怪石駭奔虎

古剎凌層雲中天立鰲柱萬室湧魚鱗晴光動江
潄曲徑入藤蘿行行見危堵寺僧聞客來袈裟候

五

五
講
導
變
交
本

庭廡登堂識遺像畫繪衣冠古乃知顧況宅今爲
楚王土書臺空有名湮埋化烟莽葛井雖依然日
暮飲羊豨長松非舊枝子規啼正苦古人豈不立
身後杳難覩悲風振林薄落木驚秋雨人生一無
成寂寞知何許

曹宗載鵲湖漁唱

山名聚訟舌徒饒坏土空傳漢代

雲燒○東山一名審山舊志謂漢辟陽侯審食其
葬此海鹽志則云上有臨海太守沈景墓俗誤沈
爲審也未知孰是

蔣學堅鵲湖雜詠

杖藜東指碧峯頭古墓猶看太守

陽侯○沈山因宋太守沈景葬此故名
杭郡志易沈爲審謂有審食其墓蓋誤

唐白居易登西山望硤石湖詩

菱歌清唱棹舟迴樹

烟浮低落日幽溪路細長新苔居民地僻常無事
太守官閒好獨來猶記長安論詩句至今惆悵讀

書臺

南山與東山岡阜聯屬自平山嶺過石關峯巒特秀

下爲小桃源

朱嘉徵南山記

詩詠巖巖蓋詠石也硤之南山亦以石名冬中雨霽朝來爽氣如滌相與

理策童冠咸列二客從焉路首北亞北亞者東山北支南山爲南條也靈龜池諸泉所匯緣其趾趾周池表所以左挹靈池右引湖水溯洄百泉毋令蕩汰此亦百川鎖鑰也山多奇石枕妙智閣之陽磴道橫列如屏俯瞰迤北纖流如帶者曰石魚涇入長水東行尋崇福寺故趾惟古松昂霄獨立望之蒼雪覆空高寒有國士之槩與閣前銀杏並于年植也度石橋東折而北訪葛仙翁丹井泉色微赤如霞顧華陽書臺在馬逋翁詩稱丹井西者是臺之北曰石屋嵌空軒舉類西域小孤飛來餘叢石紛落都堪作米家供北上山椒坡路稍衍爲走馬塘相傳吳越王習兵平山走馬於此一日以周

時徐偃王得名尋上禮塔院登危石騁望於海雲
峯千疊從海面浮來而後知爲觀海峯也東下歷
古井石壁森陳成障再度三笑庵石梁更折而北
尋覽碧雲洞壑之勝無與比數從此石勢益怒迴
接不斷趨赴赤壁之下幾有觀止之歎而勝情未
止也循山之陰起立狺狺萬狀尙環向之下渚半
月泉泉理澄澹頗與百谷爭王矣由試箭嶺而南
至劍潭踞石上西眺臨平諸山北眺西吳西南赭
山及上虞嵒縣一帶與東南武原也四顧雲山並
起于履屐之下遂南下石關古稱鐵陵關也在
玉真院前左挹洗眼泉僅一坏爾渟渟石罅間復
左轉爲小桃源石徑崎危百折入者迷不識道出
石瀾灘有酒傭一家縮轂洞口蓋不知今是何世
者也與武陵中人無異客曰嘻曷歸曷歸歸于酒
徒尙有劉伶醉眠石在又折而西石在靈池左側
略似胡床可供坦腹志稱客卧石上數晨夕不醒
人怪而詰之曰余劉伯倫也言已忽不見往往稱
道勿絕豈士君子履非其時寧甘哺糟而啜醪乎
抑長醉不願醒者耶余聞之谷湖之不遠北也中
更虹橋石梁限之近者秦令設堤俾水繞備塘循